



## Itoizko urtegiarengatiko konpentsazioak ebaluatzeko batzordea eratu da

Joan den ekainaren 14an, lehen aldiz elkartu zen Nafarroako Gobernuak eraturako lan batzordea, balizko inbertsio eta proiektu posibleak aztertzeko, bai eta mekanismo egonkor bat egituratzeko aukera aztertzeko ere, Itoizko urtegiak kaltetutako lau herrietan eragiten duen lurralde-inpaktua konpentsatzeko. Lantalde horretan, Nafarroako Gobernuaz gain, kaltetutako lau udalak (Agoitz, Artzibar, Longida eta Orotz-Betelu-) eta Ebroko Konfederazio Hidrografikoa (CHE) daude.

Nafarroako Jauregian egindako saio batean, José M<sup>a</sup> Aierdi Foru

Gobernuko presidenteorde eta Lurralde Antolamenduko departamentu-buruak eta Lurralde Kohesioko kontseilari Bernardo Cirizak, Ruben Goñi eta Jesús M<sup>a</sup> Rodríguez Proiektu Estrategikotako eta Toki Administraziooko zuzendari nagusiekin batera, lan batzordearen hasierako lanak azaldu zizkieten Ángel Martín Unzué Agoizko alkateari, Carlos Oroz Artzibarkoari, Roberto Zazpe Longidakoari eta Javier Larrea Orotz-Betelukoari, eta haien proposamenak jasotzeko prest zedela jakinarazi zieten. Bilkuran Marcelo Merino CHEko ordezkariak ere parte hartu zuen.

Gogoratu behar da, duela hilabete batzuk, herri horietako alkateek Toki Ogasunei buruzko Foru Legearen araudia aldatzeko proposamen bat aurkeztu ziotela Nafarroako Gobernuari, Toki Ogasunen Funtsaren bidez konpentsazio-kanon bat egituratu zedin eragindako udalentsat. Udaletara modu ez finalistan iritsiko zen dirua (helmuga aukeratzeko aukera izanik), Itoiztik Nafarroako Ubidetik ateratzen den ur-bolumenari lotua.

Nolanahi ere, Aierdi eta Ciriza kontseilariak Itoizko inguruko alkateei aurreratu zieten, Nafarroako Gobernuak konpentsa-



AYUNTAMIENTO DE AOIZ  
AGOIZKO UDALA



Gobierno de Navarra  
Nafarroako Gobernua



zio mekanismoak antolatzen eta egonkortasuna emateko formulak elkarrekin lantzeko konpromisoa hartu zuen Foru Gobernuak, eta, berehala, lau udalerrri horietan garapen jasagarriko proiektu zehatzak aztertu eta planifikatzeko konpromisoa hartu zuten.

Aldeek hurrengo bilera irailean egiteko hitzordua adostu eta udan lanean jarraitzeko konpromisoa hartu zuten. Alkateek adierazi dutenez, oraingoz euren propo-

samena baino ez dago mahai gainean, eta akordioak lortzeko beste formula batzuk aztertzen daudela azpimarratu zuten. Hori bai, batzordearen lana bizkorra izatea eskatzen dute, 2021ean zonaldeko eskaria bete dadin.

Itoizko urtegia eraikitzeak eragindako lurralde-kargak eragindako udalei konpentsazioa emateko ekimen hori Nafarroako Gobernuak gainditu gabeko gaia da, 2011. urtean xede horretarako

eratutako Itoiz Fundazioa desegin zenetik. Fundazio horren garapen planean aurreikusitako 28 milioi euroko inbertsioen (zenbaiten urtetan zehar) % 60 gauzatu zuten. 2014an, Agoizko, Artzibarko, Orotz-Beteluko eta Longidako alkateek agerraldia egin zuten Parlamentuan, hartutako konpromisoak bete zitezela eskatzeko, eta «solidaritate-mekanismo» bat ezartzeko eskatu zuten, Itoizko urtegia eraikitzeak zonaldean izan duen inpaktuagatik.

## Zain dezagun Agoitz, gure etxea da



Berriz ere, Agoizko Udalak ohar bat helarazi behar izan die herritarrei, azken asteotan herrian gertatzen ari diren gertakarien inguruko kezka eta ezinegona azaltzeko.

"Agoizko auzokideek egindako kexa ugari jasotzen ari gara; oso kezkatuta daude, gertakizun horiek behin eta berriz errepikatzen ari direlako. Jarduteko modu horiek ez dira, inolaz ere, gure herrirako nahi ditugunak, eta guztiok gogoeta egitera eraman behar gaituztela uste dugu. Autoei gurpilak zulatu zaie; pertsona konkretu batzuei pintada iraingarriak egin zaizkie, bai al-

tzari publikoetan bai pribatuetan; autoei eta eraikinei arrautzak bota zaizkie eta harriak zenbait etxebizitzari. Ez gaude onartzeko prest. Gainera, Udalak ekintza justifikaezin horiek jasan dituzten pertsona guztiekiko elkartzasun eta erabateko babes adierazpena helarazi zuten komunikatuaren bidez.

"Denok dugu aisialdirako eskubidea, baina baita atsedenerako ere. Bizikidetzara osasuntsua lortzeko, errespetuak elkarrekikoa izan behar du. Gure apustua herri harmoniatuagoa, tolerantetagoa eta atseginagoa sortzea izan da eta da,

guztiok elkarrekin bizi ahal izateko, errespetuan eta gizalegean oinarrituta", zioen idatziak. Bukatzeko, "dalak edozein ekintza desegoki egiten ari dena gaitzestera animatzen du, eta berriro eskatzen du horrelako jokabideak eta ekintzak bertan behera uzteko" eskari egiten zuten.

Une honetan kontzientziazio kanpaina bat prestatzen ari da, datozen asteetan abiatuko dena eta gertaera horiek geldiaraztea du helburu duena, gure herrian errespetutik eta gizalegetik bizi gaitzean lortzeko.

## 2020ko kontuak itxi dira



Joan den ekainaren 3an, Agoizko Udalak osoko bilkuran onartu zuen 2020ko ekitaldi ekonomikoari dagokion kontu-itxiera, Kanpondoa sozietate publikoaren eta Mariano García Musika Eskolaren Patronatuaren zenbakiak ere, udal entitateak diren aldetik, barne hartzen dituenak.

Azken urteetan ez bezala, iazko ekitaldiko balantzeak, diru-sarrerren eta gastuen balantzeari dagokionez, 62.217,78 euroko saldo negatiboa utzi digu, eta zenbaki horrek badu azalpena.

Datu negatiboak badira ere, udala ez da ezkor agertzen 2011tik honako bilakaera ekonomikoari dagokionez; izan ere, kopuru hori ulertzen da kontuan hartzen badugu aurreko ekitaldian argi berriak ordaintzeko mailegua (10 urteko epean, interesik gabe, itzuli beharrekoa) jaso genuela eta ekitaldi honetan amortizatzen ari garela. Hala ere, kontuz ibili behar dugu, tokiko egoera ekonomikoa ez baita ona.

2020ko ekitaldian, 2.669.863,46 euroko eskubide aitortu garbiak (diru-sarrerak) izan dira, 2019ko ekitaldian baino 686.206,82 euro gutxiago, eta 2.732.081,24 euroko

betebehar aitortu garbiak (gastuak), alegia, aurreko urtean baino 240.961,69 euro gutxiago. Egoera berri horrek zergatia COVID-19ren eragina izan da. Udalak festa eta kultur ekitaldien gastuak murriztu ditu; baina, ordea, gastu finkoak mantendu behar izan ditu, diru-sarrerik izan gabe ezin orekatu izan direnak. Bi adibide jartzearen, Musika Eskolarako 34.000 euroko ekarpena egitea aurrikusita zegoen; baina, azkenean, 84.739,03 euroko gastua izan da (diru-sarrerarik ez da izan, baina gastu berberak izan ditu); eta udalak 293.230,62 euroko ekarpena egin dio Kanpondoa sozietate publikoari.

### DIRUZAINZTA OROKORRA

Baina aurreko ekitaldiak ere datu positibo bat utzi digu: diruzaintzako gerakinak 270.154,74 euro murriztu du bere zifra negatiboa. Aurreko urtearen itxieran, gure diruzaintzako gerakina -417.066,23 eurokoa zen, eta azken itxierakoa -146.911.49 eurokoa. Zifra negatiboa bada ere, gure zorra ia 300.000 euro murriztea lortu dugu, eta datu horrek 2020ko ekitaldiaren itxiera negatiboaren arrazoia da.

### EPE LABURRERAKO HELBURUA

Aurreko bi legegintzaldietan lan handia egin da gastua eta zorra murrizteko ekintzen eta ekimenen bidez, eta zaila izan da gastua gehiago doitzea. Hala ere, gastu energetikoa murrizteko proiektuak egiten jarraitzen dugu (Kanpondoan eguzki-panelak, adibidez). Hala ere, gastuari are gehiago eusteko zailtasunak direla eta, ekonomiaren hobekuntza horretan urrats bat gehiago emateko gaitasuna dugu.

Urte hauetan azaldu ditugun arrazoiak direla-eta (eskualdeko burua, Itoiz-Nafarroako ubidea...), Nafarroako Gobernuak ekarpen ekonomikoa handitzea da gure borrokaren ardatza. Ildo horretan urratsak ematen ari dira, duela gutxi inguru horretako lan-mahaia sortu baita, Itoiz- Nafarroako ubideari dagokionez.

Udal honek Agoitzen egoera ekonomikoa hobetzeko gogor lan egiteko konpromisoari eusten dio, eta gure esku dauden ekintza guztiak egiten ditugu Nafarroako Gobernuaren aldetik finantzaketa hobea lortzeko, eta, aldi berean, azken urteetako euste-ildoari eustiko diogu.

## Jaiak, berriz ere bertan behera

Pandemiaren ondorioz ekitaldi jendetsuak antolatzeko orduan aurten berriz ere planteatzen diren zailtasunak direla eta, eta Nafarroako Gobernuaren Osasun Departamentuak eman dituen irizpideak kontuan hartuta, Agoizko Udalak erabaki du abuztuaren 7tik 11ra bitartean ospatzeko ziren jaiak bertan behera uztea.

Herritarrei zuzendutako idatzian, udalak honela defendatu du hartutako erabakia: "osasuna eta segurtasuna bermatzeko; birusak momentu honetan eragin txikia izan arren, horrelako gertaerek arrisku larriak ekar ditzakete."

"Erabakia hartzeko arrazoia izan da jende pilaketa saihestea, horrek kutsatze kopurua handitzea eragin baitezake, abuztuan oraindik ez direlako txertatuta pertsona guztiak, alegia, immunitate kolektiboa oraindik ez delako errealitate izanen", jarraitzen du komunikatuak.

Agoizko Udala eta herriko kultura- eta jai-erakundeetako hain-

bat ordezkari bat datoz, berriz ere, jaiak atzeratzea triste bada ere, erabakirik koherenteena eta arduratsuen denarekin, herritar guztien osasuna eta segurtasuna babesteko.

"Halaber, udalak animo eta indar mezu bat helarazi nahi die herritar guztiei, datozen hilabeteetan pandemiaren bilakaera ona izan eta, pixkanaka-pixkanaka, jai-ekitaldien programazioan normaltasunera itzuli ahal izanen dugulakoan", bukatzen du oharrak.

**«KALEKO KULTURAREN KOLOREAK» PROGRAMA.** Hala ere, aurrera egiteko eta aktibitatea berreskuratze aldera, uda honetarako kultura, kirol eta aisialdi ekitaldien programa bat osatu du Agoizko Udalak. Guztietan indarrean dauden arauak, onartutako edukierak eta segurtasuna neurriak aplikatuko dira.

Herriko kultur taldeekin batera, «Kaleko Kulturaren Koloreak» kartela diseinatu da, 24 jarduera biltzen dituena, horietako sei

Euskararen Asterako programa-tuak (uztailaren 26tik abuztuaren 1era): scape room, kale antzerkia, jolasak, erakusketa... Gainerako kultur ekitaldi gehienak udako asteburuetan izanen dira, hots: «Zirku eskola handia»; dianak gaitari, txistulari eta trikitilarien eskutik; kalejira, erraldioen konpartsarekin; artisau jolasak; «Eko Txoko», jolas eta hezkuntza parke berritzailea; zezensuzkoak; eta San Migel abesbatzaren, Mariano Garcia bandaren eta Puro Relajoren taldearen kontzertuak.

Kirol arloan, nabarmentzekoa da Kanpondoak ohiko Kostradaren Lasterketa antolatu duela (XXII. edizioa izanen da) abuztuaren 21erako. Horretaz gain, abuztuaren 15ean, igandea, «Kantxa 2021» Txapelketako bi partida jokatu dira Toki eder pilotalekuan.

Udako eskaintza osatzeko, Agoizko Udalak atrakzioak jartzeko baimena eman du, uztailaren 22tik abuztuaren 3ra arte. Elizaren ondoko aparkalekuan ezarriko dira.

## Kultur Etxe "berria"

Agoizko Kultur Etxea, Carmelo Astráin, Julián Galar eta José M<sup>a</sup> Gutierrezen proiektu arkitektonikoa, 2004. urtean inauguratu zen. Harrezkero, zurezko estalkiak, bai eraikinaren fatxada nagusikoa (Irigoi kalera ematen duena), bai goiko kubokoa, nahiko nariatu dira, etengabe eta zuzenean jasaten dituelako eguraldiaren gorabeherak.

Agoizko Udalarentzat lehentasunezko zen Kultur Etxeko estalkiaren obrak egitea. Jatorrizko zura oso gaizki zegoenez, premiazko jarduketa behar zen, eta maia-

tzean eraberritzeari ekin zion, eta eraikinaren inguratzaile osoa ordezkatu zen. Agoizko Construcciones Leache SL enpresa arduratu da estalkia zaharberritzeko proiektua gauzatzeaz, eta kostua 34.763,38 eurokoa izan da, BEZ kanpo. Higitutako ohol batzuk lixatu eta berniza emanda berreskuratu ahal izan dira; baina, beste batzuk, ordea, aldatu behar izan dira. Bidean, fatxada nagusian hobekuntza txikiak egin dira, eta azken emaitza ikusgarria izan da.

Gainera, azken hilabeteetan hainbat obra txiki egin dira eraikinaren

barruan: oholtzaren zorua pintatzea, kamerinoak, erabilera antzeko aretoa, korridoreak eta erakusketa-aretoen sarrera. Beirate handi bat hartzen duen binilo apaingarri bat ere jarri da, erakusketa-espazioetarako sarbidea ematen duen atean, hain zuzen ere. Badaude nabarmendu beharreko beste hobekuntza batzuk ere: auditoriumeko soinu-ekipo inguratzailea martxan jarri da eta Led fokuak erosi dira. Horiek kalitatean jauzia suposatu dute, eta horretaz disfrutatu ahal izanen dute Kultur Etxean programatutako ikuskizunetara joaten diren guztiak.



## Biodibertsitatearen alde

Mantenamendu txikiko belardi eta lorategiak errealitate bilakatu dira hiri askotan. Gero eta gehiago ezartzen ari dira hiri eremuetan, ur kontsumoa gutxi behar dutelako eta biodibertsitatea ahalbidetzen dutelako.

Agoitzen, parke eta beste eremu batzuen artean, 35.000 m<sup>2</sup> inguru berdegune ditugu. Beraxitoko parkean 15.000 m<sup>2</sup>-ko ereindako zelai eremu bat dago, ohiko belardia ez dena. Duela 15 bat urte osatu zen, eta ez dago ureztatze-sistemarik instalatuta. Zorua nahiko irregularra du eta, beraz,

mantentze-lanak garestiagoak dira. Aurten, bideen eta aisialdirako elementuen ondoko belarra moztea erabaki da, eta gainerako eremua moztu gabe utziko da ekainaren amaierara arte, intereseko eta balio ekologiko handiko landareak hazi daitezten. Udaberrian belarra ez mozteak orkideak (landare munduko lorerik garrantzuetakoak) bezalako espezieak garatzen uzten du. Orkideez gain, beste lore eta belar espezie interesgarri batzuk ateratzen ere ikusiko dugu; horiek, kolorea edo sendagai bezala erabiltzeko interesgarriak izateaz gain, intsektuei

eta txoriei jaten ematen diete umatze-garaian.

Azken batean, naturalizatutako belardi bat balorean jartzea da helburua, eta ingurumenaren eta paisaiaren ikuspegitik dakartzan onurak kontuan hartzea. Ekainaren amaieran, landareek beren bizi-zikloa amaitu eta belarrak gorrituta, eremu osoa moztu zen.

Agoizko Udaleko Ondare eta Ingurumen Arloa jarduteko modu desberdin bat dela ulertuko delakoan dago, eta ez, aldiz, parkea utzita dagoela.



## Laguntza jardunaldiak: hezkuntza emozionalari buruzko ekimena



Hezkuntzako 'Laguntza' proiektu pilotuan parte hartzen duten ikastetxeek, besteak beste Agoizko San Migel ikastetxeak, ikasgeletan ongizate emozionala sustatzeko, beren esperientzia azaldu zuten edizio honetako hirugarren jardunaldietan. Jardunaldi horiek telematikoki egin ziren ekainaren 1, 2 eta 3an, eta programaren lehen urtearen amaiera ekarri zuten. Lehenengo Laguntza jardunaldiak ziberbizikidetzari buruzkoak izan ziren, eta bigarrenak, suizidioari buruzkoak.

Egitasmoaren bukaerako ekitaldian parte hartu zuten Mercé Conangla Ekologia Emozionaleko Institutuko zuzendariak eta Carme Boque eskola-bitartekaritzan adituak. Gainera, Laguntza Secundaria programa aurkeztu zen.

Laguntza proiektu pilotua 2020-2021 ikasturte honetan hamabi ikastetxetan jarri da abian. Hiru urteko iraupena du, eta horri esker, lehen ikasturte honetan sentsibilizazio-fase bat garatu ahal izan da, Pilotajearen integratutako Haur eta

Lehen Hezkuntzako ikastetxeetan bizikidetzaren arautzeko hezkuntza emozionala garatzeari buruz. Horietan, talde eragileak eratu dira, ikastetxe bakoitzeko zuzendaritza-taldeko eta Bizikidetzaren Batzordeko kideez osatuak.

Pilotajearen bigarren urtean gatazkak konpontzeko eta bitartekotzako prestakuntza landuko da, eta hirugarren urtean ikastetxe bakoitzaren prestakuntza-espezializazioa egingen da.

## LGTBI kolektiboaren eskubideen alde

Ekainaren 28an ospatzen den LGTBI harrotasunaren Nazioarteko Eguna dela eta, Agoizko Udaleko osoko bilkurak mozio bat onartu zuen, urteko egun guztietan LGTBI pertsonen eskubideekiko konpromiso politiko irmoa berresteko.

Pandemiak LGTBI pertsonenganako diskriminazio-maila handiagoak ekarri ditu; haien eskubideak bermatu beharrean, areago urratu egin dira. Gainera, gorrotoaren eta erasoaren diskurtsoak areagotzen ari dira, eta LGTBI pertsona askoren bizi-baldintzak prekarizatzen. Pandemiak agerian utzi du eskubideetan egindako aurrerapenak,

kolektiboaren eta ekintzaileen urteetako borrokan hain zailak izan direnak, hauskorak direla, eta oso erraza dela horiek galtzea eta atzera egitea. Krisi-une honetan konpromisoa hartu behar dugu, inoiz baino gehiago, eta konpromisoaren adierazpen hutsak alde batera utzi.

Hori dela eta, Agoizko Udalak politika eraldatzaile eta urgenteak hartzeko konpromisoa hartu du, eta giza baliabideak, baliabide teknikoak eta ekonomikoak erraztuko ditu, LGTBI pertsona guztien eskubideak bermatzeko.



## Palestinari buruzko agerpen instituzionala

Agoizko Udalak adierazpen instituzionala onartu du, Israelgo okupazio indarrek Palestinan egindako azken erasoak gaitzesteko.

1948an Israeliek lurralde palestinarra husten eta ebasten hasi zenetik, eraso militarrek etengabeko mehatxu bihurtu dira. Israelgo agintariek kanporatze eta kolonizazio prozesu berri bat ireki dute Palestinan, eta Palestinako

lurralde osoan protestak eragin dituen nazioarteko zuzenbidea urratu du.

Palestinak ezin du erasoak pairatzen jarraitu, nazioarteko komunitatea isilik mantentzen den bitartean. Eta, horregatik, Agoizko Udalak, onartutako adierazpenean, Israeliek Palestinako herriari egindako giza eskubideen urraketak salatzen ditu, eta neurri zehatzak

eskatzen ditu, Israel nazioarteko legalitatea eta Palestinako herriaren eskubideak errespetatzera behartzeko.

Gainera, Udalak Palestinarako laguntza humanitarioa indartzeko eskatu die Nafarroako erakundeek, pandemiak haien egoera are gehiago areagotu duen une honetan.

## Kolonbiako errepresioa dela eta

Kolonbian gertatzen ari diren indarkeria-gertakari larriak direla eta, Agoizko Udalak adierazpen instituzional bat onartu zuen ekainean egindako ohiko osoko bilkuran. Adierazpen horretan, bere gaitzespena adierazten du indar armatuek eta Kolonbiako polizia militarrek egindako errepresio basatiaren eta indarraren erabilera neurrigabeengatik, Duque presidentek eta haren Gobernuak bultzatutako zerga-erreformarako legearen aurkako

mobilizazio baketsu eta legitimoak erreprimitzeko.

Kolonbian ematen ari den errepresioaren gehiegikeriaren ondorioz hildako familiekiko eta zauritutakoekiko Agoizkoen elkartasuna ere jasotzen du adierazpenak. Gainera, Kolonbian manifestazio eskubidea modu baketsuan bermatzea eta dagozkion ikerketak egitea eskatzen da, erantzukizun guztiak zehazteko. Azkenik, Nafarroako Gobernuari, Espainiako

Gobernuari eta Europar Batasunari Giza Eskubideen urraketekin amaitzeko Kolonbiako Gobernuari egiten zaizkion eskakizunetan aktiboki parte hartzeko eskatzen zaie.

Kolonbiako herriaren ondoan egoteko unea da, bere aldarrikapenetan oinarrituz eta indarraren erabilera protesta baketsuak ito ez ditzen, elkarriketa eta gizartearen ulermena aldarrikatzeko, bake eta elkarriketa giroan.

## Merezitakoa, gazteen lehen mailarako igoera

Denboraldi zail eta bitxi hau gorabehera, Agoizko Kirol Elkartearen gazteen taldea gai izan da bere partida guztiak seriotasunez eta gogo biziz jokatzeko, eta gainera, hilabete askotako borrokaren eta batez ere futbol onaren ondoren, Gazteen Lehen Mailara igotzea lortu du.



Agoizko Kirol Elkarteak eskerrak eman dizkie teknikari taldea osatzen duten Juan Carlos Zandueta, Iker Unzueta, Oscar Zabalza eta Xabi Ojerri, euren dedikazioagatik eta lan onagatik eta elkarren segidako hiru igoera lortzeagatik: Kadeteen Lehen Maila (18/19 denboraldia),

Nafarroako Kadete Liga (19/20 denboraldia) eta Gazteen Lehen Maila (20/21 denboraldia). Gainera, gazteen taldea osatzen duten jokalariek aitortu eta zoriondu dituzte. Sari hori Agoizko Kirol Elkartearen familia osatzen dutenentzako eta egunero jokala-

riekin lan egiten duten pertsona guztien ahalegin desinteresatuarengatik saria ere bada; izan ere, egunegun, jota su ari dira lanean jokalariek trebatzen, txiki txikiak direnetik Agoizko Kirol Elkartearen elastikoa defendatzen urteak egin arte. Zorionak!

# Nafarroako filmen ondarea berreskuratu

«Gure memoriaren fotogramak» kanpainarekin Foru Komunitateko ondare filmografikoa berreskuratu nahi da. Ekimen iraunkorra da, eta Nafarroako Filmategiaren Artxiboak eta Liburutegi Publikoen Sareak, Agizkoak besteak beste, elkarrekin jarri dute abian.

Nafarroako Artxibo Filmografikoak Nafarroako gizartearen dokumentu filmografikoen gordailuzain eta kontserbatzaile gisa egiten duen lana ezagutarazi nahi da, eta liburutegi publikoak gaitu nahi dira Artxibo Filmografikoaren eta etxeko bideoen jabe diren par-

tikularren arteko bitartekari gisa, tokiko ondarea eta memoria zain-tzen laguntzeko.

Horretarako, proiektua sustatzen duten erakundeek gonbita egiten diete herritarrei, bai eta udalei, taldeei, elkartei, klubei, enpresei eta abarrei ere, beren materialak proiektura batu diren eta kanpaina zabaltzeko elementuak dituzten Liburutegi Sareko 62 liburutegietako batean uzteko, hala nola informazio-triptikoak eta infografiak, emate- edo gordailutze-inprimakiak eta materialak uzteko.



## Kultur Balantzea

Musika Eskolak eskola-egutegiari amaiera emateko programatutako ikasturte amaierako ekitaldiak aurten egin ahal izan dira. 2020ko ekainean, pandemiaren ondorioz, bertan behera utzi behar izan zi-

edukiera bete zuen. Azpimarratzekoa da ikasturte osoan zehar ikasleek prestatzen dituztela antzeztzen duten antzerki musikaleko gidoia, dantzak, dekoratuak eta abestiak.

hitzaldia, David Brugos Miranda psikologo klinikoak emana Kultur Etxean.

Aurten ere, Kultur Etxeko areto handiak «lehengoratze, ehoziri



tuzten kontzertu horiek. Hilaren lehen egunean, txistu entzunaldia egin zen Agoizko eta Uharteko musika eskoletako ikasleekin.

Musikala ikasgai ikasleek, eskolako bandaren laguntzarekin, Disneyren «Toy Story» filmaren egokitzen antzeztu zuten. Istoria dibertigarri horrek ikusleei gozarazi zien, eta baimendutako

Musika Eskolako ikasleen ikasturte amaierako emanaldia, aurten, egun bitan egin zen, baimendutako edukiera betetzeko eta, horrela, jende gehiagok musika interpretazioez goza zezan lortzeko.

«Osasuna, hala eta guztiz ere. Positiboan bizitzea» izan zen jubilatua, alargun eta pentsiodunen plataformak antolatutako

eta pintura» ikastaroen erakusketa hartu zuen. Ibilbide bisuala, tailer hauetako ikasleek ikasturte osoan zehar egin dituzten lanetan barna.

«Kaleko Kulturaren Koloreak» udako programa ekainean hasi zen bi ekitaldirekin: San Joan gaueko akelarrea, Irati antzerki taldearen eskutik, eta Milaur Taldearen di-

